

11-bob. Tovar-moddiy zaxiralarni inventarizasiya qilish

90. Tovar-moddiy zaxiralarning haqiqatda mavjudligini aniqlash, ularning realizasiya qilish sof qiymatini tasdiqlash va ularning but saqlanishini nazorat qilish maqsadida tashkilotlar tomonidan yilida kamida bir marotaba tovar-moddiy zaxiralar inventaraziya qilinadi.

91. Tovar-moddiy zaxiralarni inventarizasiya qilish Inventarizasiyani tashkil etish va o'tkazish O'zbekiston Respublikasi buxgalteriya hisobining Milliy standarti (19-sonli BHMS) (ro'yxat raqami 833, 1999 yil 2 noyabr) belgilangan tartibda o'tkaziladi.

Tovar-moddiy zaxiralar inventarizasiyasi natijasida aniqlangan kamomadlar ularning (balans) qiymati bo'yicha hisobdan chiqariladi.

Inventarizasiya natijasida aniqlangan tovar-moddiy zaxiralar kamomadi summasi qonun hujjatlarida belgilangan hollarda tabiiy yo'qolish me'yorlari chegarasida, shuningdek, kamomadning aniq aybdorlari aniqlanmagan yoki moddiy javobgar shaxslardan undirish imkoniyati bo'lmagan hollarda uni boshqa operasion xarajatlarga hisobdan chiqarish to'g'risidagi qaror qabul qilingan hisobot davridagi moliya natijalariga kiritiladi.

Inventarizasiya natijasida aniqlangan tovar-moddiy zaxiralar kamomadi aniq aybdor shaxslar aniqlanmaganda yoki moddiy javobgar shaxslardan undirish imkoni bo'lmaganda kamomad summasi moliyaviy natijalarga olib boriladi.

92. Inventarizasiyada aniqlangan ortiqcha tovar-moddiy zaxiralarning qiymatini kirim qilish boshqa operasion daromadlar sifatida aks ettiriladi. Kamomadi inventarizasiya vaqtida aniqlangan yetishmaydigan tovar-

moddiy zaxiralarning balans qiymati aybdor shaxslar aniqlanishiga qadar kamomadlar va qiymatliklarning buzilishidan yoʻqotishlarni hisobga oluvchi schyotda aks ettiriladi.